

四庫全書

集部

欽定四庫全書

景文集卷十九

宋 宋祁 撰

五言長律

享廟裡郊詩

有表 案仁宗本紀事
係慶歷四年十一月

右臣昨以攝職奉常對相大賚自齋幃之出宿屬紛雪
之糅空蓋百神來臻將受其職故九旻凝晦用顯厥靈
洎大輅啟行陰雲解駁轍轍無纖塽道有微津天日交革

欽定四庫全書

室家胥慶而又皇帝陛下虛次清廟盡孝思之恪徹禱
上壇極尊奉之意六成備奏三獻有儀寒飈戢吹朔氣
停凜美光充于四極喜氣洽于萬情此蓋聖德升聞靈
鑒垂答黍稷之馨非至天人之際遂交臣親覲善祥敢
忘詠歎謹齋被撰成享廟裡郊五言詩各一章一章八
韻一章十韻干冒宸嚴無任省循荒斐戰慄屏營之至
謹隨狀通進以聞謹奏

享廟八韻

左廟崇清烈前郊赴享期瞻言七世室並薦一元祠樂

變擬金備

祭日詔諭太廟備奏九成不令減節

天行步玉遲香茅均奠鬯

錦冊不慙辭

今制竹冊用錦粧標

有詔回宸輦他宮奉母儀衣冠

對游月脂澤感平時俟獻庭虛次

兩廟各有小次日傳宣行禮更不入小次

登歌拜受禧

飲福登歌樂作

大哉王者孝萬葉煥烝彝

裡郊十韻

大駕我千乘長塗過百廛塵清屬車地雪盡慢城天

是先

己卯大雪至丙辰乘輿赴太廟雲物開霽辛巳赴郊宮則馳道清潤不塵不淖

步輦黎明降華

燈艾夜燃升琮奠黃粹薦璧捧蒼圓牲俎羣靈匝霞觴

二祖聯

北郊太祖皇帝升侑

上垓皆徹藉

壇第一垓舊以緋褥接黃褥導至神

位前有詔徹去以明尊奉

小次但虛寨

上立俟三獻禮畢移時不御小次

不見纖蘿

動

是日四方澄靜月星燦寂無微風

惟聞雜佩旋回雲終樂奏

詔令備曲故送

神之樂尤舒遜和雅

熏月上柴煙

焰燎之時曉月已高

日至方流慶崧呼即

獻年欲知釐事畢雞赦出樓前

大禮慶成

并狀案仁宗本紀係寶元元年事時已隔景祐三年故云三歲一郊時也

臣向緣法從祇覲慶儀自六飛之健行訖萬靈之合享

事皆如震官靡告勞瑞雨灑途而即收陽旭騰空而可
愛士無瘡苦民溢歡謳此皆皇帝陛下明發有懷小心
昭事馨香肆于霄極虔輦格乎神心介福蕃釐交騰于
百順振聲飛響洞接于九圖大耋惟新含生胥抃臣飲
和云舊逢吉日多輶呻畢以考言均過簫而效響謹抒
陽郊慶成五言詩一章十六韻于冒宸聽無任震惶謹
繕寫隨狀上進以聞謹進

上帝懷明德圓壇展盛儀南城七里路三歲一郊時豫

動森華蓋乾行儼絳螭山河對旒冕辰象倚旂旗禰拓
前增謚皇靈下告慈密都俄奠玉清廟徧嘗粢田燭紛
先置軒營肅左移禮行忘景晏恩厚覺寒遲紫宙天鴻
洞賓柴燎陸離合祛聯祭結妥侑判純犧服食千華炬
陪祠萬翠綏開天浮協氣亘海受洪釐愛日兼祥至隨
風與令馳羣心樂更始徽冊貺顯辭堯舜文章煥淵雲
頌嘆疲無階効論報敢告日孜孜

孟冬駕狩近郊

并狀
案仁宗本紀
係慶歷五年十月事

臣伏觀今月十七日幸楊村打圍皇帝親射麋兔甚多
至未刻還宮者歲始孟冬駕云行狩除地近縣先置迴
場詔七萃以景從按六龍而行健皇帝陛下躬御武節
俯從前禽兩驂亟馳一發如破獸人給鮮之不暇君庖
課獲以既盈慢省中休衢尊徧錫取不殫物姑薦宗廟
之新民僕其來喜見羽旄之美入而振旅日未靡旃臣
猥挈荷囊預從豹乘親逢盛事難默悴音謹撰成皇帝
狩近郊詩一章五言二十韻繕寫隨狀上進輕浼呈覽

伏用震惶

講事當農隙于畋法健行百神奔漢蹕萬騎扈軒營曠
弩先驅肅彫戈後隊明雲羅垂列岳虎落壓裨瀛掠野
毛羣萃搜林羽族并熊羆兆中見鷺鶴陣前程疊中星
弧妙連飛月箭輕皇帝親射皆指禽命中鴈窮書併墜兔盡窟兼
平俊鷗交拳擊寒鷹厲吮鳴舞駮均耳耳鉞犬鬪令令
示祝仍開網招虞不用旌纔聞大綏下已見獲車盈行
在移鑾仗塗中集幔城壽觴稱帝酒恩膳徧君羹霧日

瞳矐暖霜原澶漫清長楊卷衰葉敦葦拉枯莖羽獵何
煩諷車攻遂合饗寧專乾豆薦要闋建章兵風入旂常
影天含鼓吹聲九街猶未曉堯屋已還衡

進幸南園觀刈宿麥詩

有表 案仁宗本紀
係天聖三年五月事

臣某言伏以園游神隲素謹于弄田霄極嘉生式登于
首種震吾王羽旄之美竦彼都人士之觀伏惟皇帝陛
下惠利翔仁清明求治候駟星而訓務謹烏師之扈民
萬寶阜滋至和鼓舞直斗城之南辟嚴虎落之繚垣薰

吹襲辰秀岐彌望京師奔告獻狀于屢豐宸蹕健行宣
風于一豫用薦新于寢廟差賜帛于農人薰為樂和塞
乎穹壤臣幸逢嘉會竊綴蕪音得于轅壤之餘備乃瓜
華之采呈覽是瀆隕越為憂臣某謹進詩隨表稱賀

農庖方迎夏宮田首告秋嘉生擁瑤縣蕃穗徧天薌肅
雨津莖浹薰風獵穎浮登成告田畷省歛僕王游紫宙
凝神暇丹書訪道休天行九五健歲取十千求洪洞開
金狄連蜷按玉虬塵清屬車豹槍密羽林騶芝覆依丹

旭旌門倚綠疇先驅護綿野後騎隘長楸滌圃初開地
腰鐮競勸收田趨農帝耒塋錯夏王溝褒粟攢周甸茨
梁屬舜眸藥長包圈虎箱重載星牛九扈開靈圃三辰
駐綵旂勞農差有賜置酒酌言酬鳴爵知年稔為魚告
夢優雲雷一日澤鐘鼓萬人謳帝醉鈞天闕仙歸紫氣
留明馨資寢廟足食煥緹油

觀太學釋奠

鄉盛菁莪選邦崇奠菜儀涓辰大昕鼓持節少牢祠粉

袞瞻凝睟銀袍掾攝齊
芑羹紛澗沚鬱齊泛尊彝
璧水回寒影經槐隨曉枝
幸觀三獻罷共荷百朋時

大酺紀事十四韻

天禧二年

太極登徽冊鴻恩潤慶圖
三秋少皞月五日漢家酺
碩惠東西暨高年左右趨
雲雷方沛澤酒食更成需
慈宴周縣寓宸嬉極上都
風飛迎沛筑尊滿列堯衢
豐伐漁陽鼓龍吟北里竽
激波呈曼衍跳索戲都盧
虎瑟修旃映鵝夷後乘俱
瑞烟浮玉戟靈旭射金鋪
篚帛侔王鎬

童冠盛舞雩歌忘齊國味辱免絳人塗紫宙織羅廓層
穹協氣敷萬靈酣飫賜朝野正多娛

奉和御製後苑賞花詩

有狀

臣伏見今月二十五日召宰臣以下赴後苑賞花釣魚
側聞降賜天什許羣臣屬和榮幸之極二紀罕逢臣濫
直北門于法當從而偶以移疾適在告中不得侍歡祕
幄與百獸參舞悵恨三陌飛肉無階謹率蕪累次歌奉
和聖製詩一章局情淺致無以稱道盛德萬分之一干

讀呈覽

詔蹕迴清籞宸旒駐紫烟
商雲霏漢幄法曲度文絃
獵翠雄風度凝香甲帳褰
仙葩浮羽葆藻衛縟芝廔
式宴千鍾酒迷魂七日天
宸章紆寶思休詠掩樓船

代賦後苑賞花釣魚

黃屋宸襟豫靈岷苑制雄
鈞天回帝所太液近唐中
瑞旭搖卿霽丹葩雜紺叢
王魚多在藻君鵲鎮迎弓
式宴晞陽露徒歌屬大風
此時慈惠洽共樂夏渠豐

春豫凝蒼陸天旋駐翠華黃圖包漢制靈沼象周家風
助千人唱神移萬品花韶音清感鳳騶節妙論貳宴露
晞心藹需天灑酒霞侍臣均式燕義馭重西斜

慈聖閣秋橙結實上召宗臣同觀

案仁宗本紀係
慶歷四年事

昔預穰侯貢今移漢掖旁帝憐秋實茂天許本根強媚
葉童童密幽花裊裊香苞垂列星緯味變九霞漿薰軫
分風近仙盤餉露涼和羹並梅蓀連葉讓芝房舜日晨
烘霧堯雲夕護霜不隨江北化思助廟中嘗盧橘非同

種安榴肯並芳榮觀聳麟族賦筆助荷囊

被召觀三聖御書詩

有狀案仁宗本紀
係天聖八年八月事

臣今月九日蒙召赴迎陽門觀三朝御書者天作上聖
神付多能珍毫霏麗睿文森積星日列象雲漢為章詔
範後昆作成希寶皇帝陛下仰奉祖則欽懷宗軌列籤
分帙跋尾署年將秘禁中永冠緹籍何圖近列咸預榮
觀慶尚臨顏物皆改色歡猶在臆歌不檢言謹齋祓抒
成詩一章凡六十字以伸感會塵昧聰覽伏用震惶具

詩謹隨狀上進以聞

列聖多能備俱留乙夜勤出圖天與畫觀跡帝成文露
灑紛仙液驚回雜瑞羣毫均五色麗書對十行分玉軸
羅新帙芝泥儼舊薰嗣皇尊世哲金匱冠攸聞

題承詔亭

地占高明適亭兼仁智居竹林茲置酒栗里近回輿山
對盤龍外濤觀濯鷺驚餘落霞霏迴宇升月淨涼疏園甃
梧陰合牕風桂落徐出芳曼空逕野綠冒前除宴厦仍

喧雀賓庖已饜魚落成嚴詔下猿鵠怨輶車

車駕出獵和丁學士

九危聊清野三驅比出畋紫雲華蓋上玉斗帝車前藻

衛羅長薄星槍落晚厯旗開龍對舞

新製黃龍旗以標行在

驂合

鴈相聯魚貫圍中隊風毛仗裡天寒熊批怒掌飢鶻下

蒼拳困獸開仁網良禽獻廟鮮

上射中禽即先薦太廟

賜庖飛騎

促勞飲醕烽傳歷覽黃圖迥裴回翠帽旋邇臣將盛美

吉日繼王篇

紀聖詩

沙麓披祥牒金刀襲裔昆嬪虞冠媯汭生子首姜嫄自
昔儀椒壺乘時正翟軒褱褕躬象服黃老好名言慈蔭
天同廣柔風律並暄露光流月姊祕緯應星龜嗣統開
橫兆遵遺奉壽原愛親周道始加太漢儀尊參務綵言
慎臨朝玉色溫從容攜日月指顧靖乾坤盡散脂田邑
親綵繭舍盆紀功彤管史貽訓濯龍門寶稼興東戶佳
兵戢左韃萬靈翔氣辨五始匝春元夜隕西方雨神清

積石源良時標歷鳳延祝動廷駕縹玉虹光射絲囊露
采翻齋科藥珠館供會佛家園薦壽超千劫同寅望九
閩南風來助曲北斗下臨罇瑞鑑紅搖旭香罌碧裊昏
欽承子道至奉養母儀敦雉翼橫霏霧仙盤灑瑞瞰紫
雲回幄影銀蒜動鈎痕我有吹笙宴朝均湛露恩倂圖
邁明辟雜霸掩曾孫束帛霑羣后張旛答樹惇思賢君
子荇循法大夫繁賁貝南浮海邦圖北際鯤比時歸寶
算仙石奉綿存

九日侍宴大清樓

薦九標佳節中天駐翠輿晨光清複道秋色徧儲胥畦

稻霜成後宮橙露飽初省收行步玉拜賜儼華裾

皇帝臨視

刈稻宣許從臣同觀又令觀橙訖并賜橙稻新米

曼衍來長樂鵠夷下屬車帝

韶儀瑞鷗王藻躍恩魚霽霧供披拂涼風助掃除高揚

穿葉外仙菊泛花餘寒入弓聲厲歡留酒算徐神池原

不浪溫樹未曾疎帝眷憑秋稼臣心仰夏渠承平將樂

事並入史臣書

十日宴江濱亭

節去歡猶在賓來賞更延
悠揚初短日淒緊乍寒天
霽沼元非漲秋花自少妍
蟻留新獻耐蕙續不殘烟
戲鯉衡餘藻游龜避折蓮
流芳真可惜從此遂凋年

尹學士自濠梁移倅秦州

于役三年遠論兵兩鬢斑
不辭征戍苦要作破羌還
楸墨應園熟兕烽報永閒
浮舫背淮服盤馬入秦關
遂閣讎書筆仍餘聚米山
憶君他夕恨遙向隴雲間

初除直講獻內閣馮學士孫侍郎

圓海崇遺教中陵育茂材霧從仙市合風向舞雩來寶
篆侔東壁儒篇訪曲臺泮芹參上俎燕簪擁輕埃鼓篴
華冠聚丘山縹帙開蟲形浮墨沼嵐耳綻經槐有客緣
承乏無庸愧濫陪難重漢家席易眩魯門杯學困青箱
廣書愁皓首催空塵博士議不稱洛陽才高閣連雲景
層城枕斗魁惟應仲尼治未惜鑄顏回

和石學士直舍晨興

高閣休殘暝層梁逼早暎芳風萬年樹殘月九重閭枕
歌淵魚夢裏貪睡貉溫星杓壓城角天漢落河源肅唱
千廬寂傳聞萬戶喧烟浮紫藜觀春著翠梧園有客方
岑寂紬書滯討論新年居右席此地到西崑硯瀉含毫
滴刀餘削柿痕談高白馬度頌罷碧雞翻幸接雌黃几
同歡清白樽

古樂府有清
白各異樽

不因窺麗句誰刮翳瞳昏

再到國子監感昔有懷

十載虞庠路依然目所存高槐記經市秋水識橋門迴

閣珍圖秘長廊審像昏舊徒皆突弁故友即塵根

與予同直

講者公孫覺王琪皆已論謝

昔在衣成緇今還祿有軒范雲身寢老

雲表有太學老博士之語

何衍謝君恩

上元觀燈紀事

泛膏聞舊典秉燭嗣芳辰霞破初迎月林寒即讓春
鈞天移帝樂北斗下城闌匝地沈香燎浮空羅襪塵並珂
馳寶鉸分幃驚彫輪忽去騰夷路還來競要津酒胡矜
耐美梅額銜妝新誰見甘泉時昏祠遂至晨

玉堂北欄叢竹

玉署凝嚴處朱欄封殖恩其誰賞高節祇自保孤根密
幹青杠矗危梢翠蘼翻故林茲地隔新實幾時繁細籟
供風枕斜陰疊月軒雀驚衝葉墮蟬靜抱枝喧戴氏當
年譜梁王自古園對容金馬客深在玉堂門本以蕭蕭
擢還由冉冉存烟能留暝色粉解記春痕拾箴題吟墨
披叢爽醉魂愛君同省樹不敢為人言

九日

帝京蒙福近相國偃藩初氣熟中齋酒廚鮮上客魚高
懷日蕭散外物久驅除犀首無妨飲宣尼或飯疏林凋
疑野濶荷罷似池虛此樂憑誰辨須煩藻思餘

會聖宮

寶地披重岫環宮庇萬棟人瞻鼎湖駕天護玉簫祠列
聖聯締袞千官擁翠綏陰森殿中傘習燿羽林旗白日
窺晨幌明河宿曙帷露盤金突兀甲帳繡葳蕤馴象春
耕外遊冠月出時洛湍縈禁籞嵩岳倚罍罍早晏嚴薰

燎春秋達信辭樽醅綠葉桂齋饌紫房芝壁帶華燈錯

銀牀露綆垂奇葩萬品秀珍木五衢滋碧柱栽翔鳳璇

璫舞暗螭園金布為地

次東有景雲禪院

泉玉漱成池

宮西卽馮家溪

劫石聊容拂仙花自不萎樓含太虛近鐘到下方遲賜
服鄉三老歌風沛小兒奉承紛有次過謁儼多儀此路

真姑射前峯卽具茨何當紆詔蹕原廟慰時思

和道鄉舍人承祀出郊過西苑馬上有作

西郊一超忽祠節暫踟躕天迴歆臨野河長側貫都飛

廉披苑路南斗抱城隅填塹時休獵棲糧戶免租虎歸
仍習園鳳下稍依梧池岸斜聯籞宮楹上集胡慎齋雖
有屬勝踐未云孤霧裡過仙市輪邊認佛圖揜楊閒對
偃鵲鵲靜相呼牧罷林將暝樵歸徑自紆有懷攜鏤管
何苦促驪駒壯思飄然發知君顏謝徒

三月二十一日集海雲鴻慶院

地勝祠仍古春餘物徧華山雲時抱石佛雨不萎花嶺
挾樓梯峻巖牽殿城斜淙谿雜環佩怪蔓走龍蛇供

聲去

坐僧飛鉢香園客戲沙吾游真草草深意負青霞

喜同朱舅秀才小飲

隱几劇端憂良辰喜嘯傳揆天鸚鵡筆換酒鵲裘談
塵真同色賓壺喜順投雪雲低北戶基墅接西州露葉
燕蘭老霜津鄧橘秋二豪休作頌五白自成牟平日欣
交呂前期即召鄒觴莫辭醉溝水易分流

將東歸留別楊宗禮十韻

清白舊家聲論交得寧馨摘華吐鳳賦聞禮墮鱸庭潘

夏叨連璧荀陳更聚星膠投思固漆渭濁許過涇合坐
懷妍唱分詩寫素屏情深方柏悅性懶自榆瞑短羽偏
驚月羈游劇泛萍北梁催稅鞅南郡阻繙經曉色三竿
日離歌十里亭期君促西上相遇在神垌

漢州房公湖

丞相于藩日疏湖訟閣西疑從濟川地寫出釣璜溪流
淺初無浪源清不貯泥月為宵幌燭雲作曙樓梯礙馬
汀篁密紫船浦蔓低人亡桃李在脈脈尚成蹊

得故人楊備書

款款南雲信相存安穩不比年常屬疾茲地幸為州浩
蕩親知隔奔騰日月道暴公初有刺孫叔竟無謀墨白
蠅間變嫌疑李下求側身忘夙夜回首得沉浮士節何
嘗屈君恩叵計酬泮封共龜手知罪一春秋言命由來
罕逢辭敢辯庾紛吾常用拙焉往不離憂重詛勞三物
揚芬避十猶虛弦落驚鴈真月喘疲牛谷口輸誰隱周
南愧自留庭殘千騎長形勝二山流寡術驅秦盜彌旬

錄楚囚巫風那肯化祠鼓詎曾休安敢龔黃最真堪趙
魏優闊然宣布曲直爾畔牢愁今子身東望思同智北
游攄懷弄杯杓對帙理墳丘眷眷餘青眼蕭蕭共白頭
姑縈裘與葛隨度臘和樓滿櫟人寧顧遺簪上或收狂
言非所惡君乃惠施儔

內閣孫侍郎生辰紀德

鳳琯凝姑律奎鉤誕佐臣祥標六蓬矢家盛十朱輪變
道齊成魯端朝甫及申禁中朝夕誨帝右老成人徧讀

蘭圖字多陪豹尾塵桓榮師自許石建謹無倫振鷺飛
逾潔緇衣久更新鑄賢今是治播物晚為鈞胡廣潭留
菊蒙莊樹有椿奉公為壽禱山立輔昌辰

郭仲微見過問疾

薄宦真何補居然滯拙艱無心圖作佛

予素不喜浮屠常以此箴誚世

人

有疾願藏山臂率愁肌減毛驚暮領斑未能吳客問

誰恨越人彎學倦書刀廢呼慵博雉閒寧慙局轅下為
恥醉墻間直道胡論枉空言分合刪蒼蠅徒擾擾狂獬

自顙顙上客迂飛蓋窮閭問閉關餘光照徒壁高辨破
連環感激排非聖棲遲觸怒頑十年休賦蜀二始欲睎
顏子厚乞郡守而未遂昔有彈冠進今將襆被還春休晴絮白日
入暝霞殷舊座平臺側新田穎水灣予近有田數頃在陽翟即穎水之陽
吾游如不遂巖越試重攀

和晏相公九日郡筵

令序凝秋篇歡游駐使軒行觴酒籌密踏節舞韡翻榴
熟丹房解萸香紫粒繁風頭獵輕慘日脚送斜暄鏤管

新篇逸

轉運學士
即席賦詩

吹花舊俗存請為丞相壽長久慶調

元

魏文帝書稱九月九日俗
嘉其名以為宜于長久

早夏集公會亭餞金華道卿內翰守澶淵得符字

早夏集休沐離襟屬餞壺欣同佩荷橐恨及唱驪駒感

戀陪雲筑

道卿留預乾
元上壽乃行

翻飛別帝梧騰裝照魚服行帳

繞屏株慙去班中詔寧容滯左符惟應九里潤蒙福在

京都

景文集卷十九

欽定四庫全書

集部

景文集卷

二十至
二十二

詳校官侍講臣王燕緒

檢討臣何思鈞覆勘

總校官候補中允臣王燕緒

校對官學錄臣謝登雋

謄錄監生臣汪國均

欽定四庫全書

景文集卷二十

宋 宋祁 撰

五言長律

鹿鳴筵餞諸秀才赴舉

今日真良宴，歡持鳴鹿杯。
初飛福衡表，共識子虛才。
龍沼雲鱗動，鵬溟浪翅開。
危言切鼎鼐，秘思屬鄒枚。
經市騰裝束，封軺續食催。
應須戒驅弩，翹待駟車回。

送承制劉兼濟知原州

假節分州郡掄才出將門
還提射聲旅

上以禁卒千人為居帳下并

破護羌屯

君兼涇原路都監

尺詔方臨遣新書得細論
旃酋陪

獵帳戍校接歡鐔後伍鞬橐密前驅鼓吹喧隴笳梅落
怨邊陣月殘奔赤白猶傳警先零久負恩行期雪家恥
三捷奏天閭

早春雨中因呈邑大夫

瑞澍霑春陸膚雲壓暝臺霰寒休雜下風好即東來遠

岫谷將盡陰霞照暫開徧滋畦下麥併濕隴頭梅灑留
南魚躍漂蘆北鴈哀蓬乾釣師臥疴冷牧騶回天發千
驍電人同百里雷我私欣遂及頌扈九農催

送范希文

日夕朋簪遠空成咄咄嗟危言猶在口飛語已磨牙室
救鷗鵝毀庭喧獬豸青蒲空頓首白簡遂為瑕身歷
千金險頭經一夕華便應過楚澤何異向長沙蕡土障
河拙園癸望日賒盡焚溫室草尚得使君車勝壤堪懷

古扁舟復載家此時能痛飲努力詠餘霞

喜有秋

順氣饒區廣嘉生告稔初人驚萬箱入天賜九年儲絕
塞元休馬吾農先夢魚牛應賣刀後酒是乞漿餘祀續
田神鼓郵喧粟尉車是年名大有敢告史臣書

荷花

別岸香風起橫塘夕霧開歌須靜婉至步憶貴妃來折
藕冰絲剩翻荷孔蓋回曾經佛圖咒解厭栢梁炎盛時

開為幕騷人借作媒謝才方麗句卓寡比愁腮有惹綠
誰苦名蓮固自猜簪形侵寶髻燭柄近官煤游羨龜巢
密看防漏葉催使君迷已久落晚且徘徊

早濟江步

南浦招招子中途靡靡心歸舟一葉小秋水兩厓深露
鶴淒仍斷風蜩細欲沈桂華翻落月榆影送橫參壯志
兼時晚勞愁已日侵霜擁過江枳鐘眩避風禽薄官真
蓬累歸期問藁砧惟餘搖落意天寓共登臨

龐祕校掾九江兼歸汝南迎侍

長停愁不淺，征袂拂殘梅。
潘御家園近，毛欣府檄來。
晨羞魚尾潔，春溜鴨頭催。
拄頰談無對，參卿掾有才。
城隅

山疊映樓戶，月弦開解樹。
藏環感因君，寄九迴

先君昔掾九江

予與伯氏皆生于廨舍舊老今猶識之

送次饒趙職方罷成德軍通判還朝

倅乘淹榮序，封軺促覲期。
文章二臺妙，昆弟五常眉。
樹隱征郵密，花留祖蓋遲。
秋毫供握處，春草見歸時。
書笏

人思對垂橐客愴離羨君如彩鳳先集翠梧枝

泌陽王介夫

上笏蘭臺彥能文江漢靈貪持御史劾不顧大夫醒詆
毀真銷骨嫌疑畏殺青投冠集烏署解紱墮鳶溟毛脫
荷囊筆塵昏寶帶釘書空寧咄咄避弋更冥冥校尉貪
尉釀臨川集貝經光華覆盆日哆侈譖人星生計依江
芷年芳老砌莫無人舉幡救揮涕望明庭

還都有感

去國已十載召還今見收初無潁川最真添茂陵求物
色多新識寒溫減舊游宮毫與塵晦省樹向人秋奏乏
三千敏思難萬一酬重尋紫荷橐卻侍翠雲裘建禮文
書少湯官餅餌優屏營趨虎殿子細認奎鉤晚節誠知
止吾生況若浮身來雖魏闕病免合滄州淺醉貽樽恥
衰容作鑑羞歸年非鴈後破月是刀頭依聖譏方弭逃
陰景自休乞骸從此近終計反林丘

歲周移書課版

漢史傳循吏唐家秩省郎海禽驚廟樂池驚費君梁巾
禿聊蓬首帷閉即偃牀案杯過永晝寺鼓報殘陽束帙
雲籤冷窺園李樹僵後車常擊轂猥酒不空腸未易矜
刀筆徒煩褻服章歲周無吏最天極正包荒

舅氏自壽陽由京師歸安陸

道舊欣來駕銷魂遽遠離顛毛同白日

舅雖大予一紀
然予今已白頭

俗眼暫青時客飯稽留數

古詩趣令辦粗
飯慎勿使稽留

齋醪酩酊遲

風波須畏險老大共餘悲楚莽先春動梁雲向雪垂還

家存別墅他會看圍碁

仲微相過把酒有感

故人當止酒今夕喜銜杯事與朱顏改年將素領來
鹿車君偃蹇鶴祿我裴回紬史餘三槩為郎愧一臺
洛吟真可效儉賦久成咍平日零風瑟塵襖為試開

送樞直梅學士守并州

素領登朝舊黃樞通直新還持漢家節坐福晉壺
民旆羽凌霜曉袍花犯雪春連雲祖壇幄隘道舞駮
塵檄楯

邊書息羹羊府宴均唐詩存雅俗亥字訪遺人緣飾資
良守都俞重老臣莫為期月調行此冠華紳

上春晦日到西湖呈轉運叔文學士

春徧西湖上湖漪綠勝醅驚魚迎瀨躍鬪鴨擁波來柳
已緣烟重花仍赴暖開側汀烟媚篠臥石水銜苔岸轉
橫枉度川窮歇舫回暗浮蟲聿役閑立鷺毳毵野畔平
如界林蹊潤不埃光浮好雲日影倒靜樓臺山色乘晴
露霞容著暝催浚行凡幾曲恨乏昔人才

硤石乘舟晚歸

晚棹乘餘興平川不駛流山來疑逼岸林度省移洲郭
迴花仍繞岳寒桂自留鼓聲風處疊颿影浪間浮候吏
緣溪約迎旗駭浦鷗嚮時天際遠還有望歸不

中秋望夕不見月

異時涼月好常爾惜嚴更此夜浮雲惡胡然灩太清心
孤王粲牘案對景山谿海蚌猶能滿城烏更不驚裴回
循北牖點淡倚西楹蛩杼逢時急釭花得闇明桂高應

自秀蟾遠太無情坐想瑤輪轉孤懷悵未平

清明值雨

有渰興芳序餘寒暗慘悽遠山沈向盡雜樹望先迷天
濶都成暝雲昏本自低漂灰禁餘火浮棗袂殘溪檻篠
風爭亞汀鳬夜不棲蓬聲攢釣渚蓑滴擁烟畦積潤侵
重構長嚴壓曉輦游人盤馬路獨漉逐春泥

瑞荷同幹

協氣凝清籞嘉祥擢鈿荷共茹含瑞液分蒂益文波魚

戲浮香併龜游得地多房芝助連葉宮樹讓交柯柄合
千絲剩盤差五兩過正須裁紫橐回入從臣歌

愁吟

夜雨平階滴寒燈照幔孤未生靈運草先據惠施梧千
里徒傷目三年欲變儒回腸啼絡緯遠恨送襜褕怨曲
傳繁瑟悲歌缺唾壺此中如借問掩鼻願操觚

偶書

遠作分符守猶為持橐官易漂非待煦自粟不須寒髮

變他年素心餘即日丹過門休骭
麟逢路定汎瀾忌刻殊忠告遽施足面謾直緣蜚語入正恨飲章難墜後仍加石驚初更避九讒箕元有舌偽玉嚮無瘢任拔終傾藿雖憎亦佩蘭隴雲平莽莽林露夜團團且欲排孤憤還應覓暫歡兩岐行處恰五錢食時盤地善人差逸天高網寢寬戀軒嗟棄馬巢閣羨歸鸞楚嶂橫朝塞淮波漱夕灘空將西望眼隨日到長安

柳佐乾德尉

塗會森璋罷唐銓結綬初家聲蘭倚玉祖德鶴銜魚周
栗思馨膳京塵惜弊裾垂腰青采綬薰帙翠芸書鶴怨
空山帳鷄棲外舍車日期優政洽公啓達儲胥

懷古眺望

城闌聊屬眺千古恨悠悠夏享空臺毀韓亡故社留廟
祠旌穎鳳溪水識巢牛春色依林動晨煙傍戍浮瘴驕
閑自集田鶴叫相求町篠沿綠密川葭蘼靡桑櫟墟迷
鄭鄙醜路隔軒游感昔如吾輩曾經幾斛愁

海棠

西域流根遠中都屬賞偏初無可竝色竟不許勝妍薄

暝霞烘爛平明露濯鮮長衾繡作地密帳錦為天

吳人語帝

覆為帳天淺影纔欹檻橫柯欲照筵愁心隨落處醉眼著繁

邊的的誇妝靚番番恃笑嬌何嘗見蘭媚要是掩櫻然
艷足非他譽香輕且近傳所嗟名後出遺載楚臣篇

滁州趙學士重脩懷嵩樓

丞相懷崧罷因之名郡樓使君嗟久廢華棟鬱重脩人

世興衰換山川處所留落成今日宴感舊向來愁西北
天根遠東南地脉浮雲生蘭葉棹月近蒜條鉤樹雜猿
呼暝風長鴈送秋此時如極目歸思恐難收

開元寺塔偶成題十韻

集福仁祠舊雄成寶塔新經營一甲子

自至道末
始至至和歲

未告成高下幾由旬屹立通無礙支持固有神雲妨垂處

翼月礙過時輪頂日珠先現條風鐸自振沙分千界遠
花散四天春億載如如地三休上上人堆螺俯常碣繚

帶視河津陶甕勤爭運圍金施未貧誰紆簡棲筆為我
誌琳珉

季春八日喜雨答李都官

夜魄離星舍春膏浹大田乍迷榆塞樹徐暗柳營天沼
滴銀波蕩階鳴玉綆聯餘萌催離土殘魃趣沈淵迴濕
來驚外斜寒去鴈邊莓莓滋野秀纂纂濯花妍戴響饒
農笠眠聲羨釣船罅雲時露日迷岫旋埋烟酌酒聊相
勞斯倉貯有年勞君歌閔雨予志謝先賢

賦得敗荷

為結秋荷恨因來溝水西魚驚一蓋缺龜落半巢低細
暗嬋娟渚香乾教牽隄莖枯縈繭緒盤側漏蛟啼自此
空瑤席他年問濁泥那堪塘上雨點點共淒迷

小荷

濯雨拳紅展擎烟側鈿微纔勝漢臣橐未辦楚人衣蠹
蟲閒攢沼差差靜隱磯游防靈蔡重戲怯孺魚肥莖弱
從風靡珠成恐浪揮文鴛不肯去始得蔽斜暉

馬上逢雪

馬上逢飛雪都城觸望新天如不擬暝樹欲頽成春霰
急初鳴瓦塗輕自壓塵灑遠先映路飄闕欲藏銀宛轉
呈歌麗裴回逼舞真散鹽拂波亂飛英點星勻密影俄
飛蓋乾花看鈿輪無煩濕潘鬢今是二毛人

南方未臘梅花已開北土雖春未有秀者因懷昔
時賞玩成憶梅詠

江南寒意薄未臘見梅芳為有輕盈態都無淺俗香

云甲煎
淺俗
倚風斜夕臉呵雪噤晨妝刀尺憑鮫杼比鄰託

粉牆高枝籠遠驛側影照回塘曠望黃昏月嫵妍半夜
霜一身來上國三載別炎方不見南枝早方驚北道長
當時猶引領此際故回腸淚盡羌人笛魂銷越使鄉危
樓難極目恨酒怯盈觴未到盧家第終虛白玉堂

李少傅逸老亭

逸駕歡迎養飛軒適所宜營菟茲寓老趨鯉即聞詩地
勝心逾放人閒趣自奇嵩雲來冒棟榮溜下通池靜偶

惟黃卷僊謠雜紫芝
牕風伴披衽簷月對支頤
相筆留齊榜邦侯慶壽
卮美哉暈棘詠兼記掛冠時

答朱彭州惠茶長句

芳茗標圖舊靈芽薦味新
摘侵雲崦曉收盡露腴春
焙煖烘蒼爪羅香弄縹塵
鑄浮湯目徧甌漲乳花勻和去聲

要瓊為屑烹須月取津
飲英聞藥錄

本草茗以
茶英飲佳

奴酪笑

儉人雪沫清吟肺冰甕
爽醉唇嗅香殊太穠
瘠氣定非

真

唐陸鴻漸云嚼味嗅香非別也又
母丘景言茶瘠氣侵精此語非是

坐憶丹邱伴堂思

陸納賓由來撤臠鼎詎合燎勞薪得句班條暇分甘捉
麈晨二珍同一餉嘉惠愧良隣

答朱彭州喜雪

雪集先何所天彭關內州雲澌結河漢風磔灑林邱眩
晃三霄接續紛一氣浮光逢晨暉薄花得冥寒稠拂樹
瓊爭動縈牆粉暫留縮毛驚作馬埋目憚吳牛客至蘭
矜曲仙歸鶴擁裘鹽邊混熬素玉處亂方流併響鳴巖
竹分滋浹壑甍印沙鴻鴈喜蔽葉鷓鴣愁蒙福沾餘潤

稱觴隔竝游錦官才涑雨賡和負妍謳

訪李生別墅

風物澹蕭辰陵阿訪隱淪野杠裁度馬溪路劣生塵認
菊知陶宅觀禾識魯園林聿偏樂我魚鳥似留人山霽
羣妍露林虛衆穎新長沮亟相語非敢問迷津

書懷寄郭正

僑籍依三輔愁顛偏二毛星灰對道盡淚卷掩劬勞併
歎絲兼路都捐筆與刀思旌初不定離緒僅堪綠醜是

流離子材真樸邀曹未成虞升進旋似郭筭逃邑聚嶺
坑合都城鬱律高惟餘人意戀戀劇綈袍

螢

腐化何微眇孤光只自求單飛一金躍羣散數星流廢
苑蒼茫夜離宮窈窕秋戍埤同燼落客幔共燈愁明滅
風前亂裴回葉處留人問厭白鳥不為盡餘羞

和梅侍讀給事秋雪

朔氣迎秋晏因成糅雪飄園賓驚早賦郢曲愛新調雜

霰鳴寒緯紛花混晚茗光含闕邊風溫借省中貂編頃
纔供望鹽波已屢銷今年屬清思旻寓共寥寥

春前二日獲雪

佳雪春前降層陰臘外留日昏霏霰集風定舞花稠浩
氣皚皚徧繁光袞袞流灑林初亂塢拂瓦暗平溝洞蟲
三雲伏山迎萬玉侯客車羊作駕仙斃鶴供裘只有歌
堪和都無色可伴險堆憐傍砌斜濕愛侵幃面旋成遲
落續紛不頓休粉塘連北渚縞頃接西疇興往惟思戴

賓來但憶鄒絮痕侵柳動鹽影著波浮宿莽攢瑤草長
隄臥素蚪正緣先畢雨併欲潤天礎應禱驅民瘠呈祥
溢里謳長人蒙帝力歡酌任言醕

小雪

低雲淡河界零霰集天涯樹亂三眠絮叢迷五出花舞
風都擬重入隙故成斜密瓦平將半前山暝欲遮漸堪
迷淨練併欲誤疏麻粉出房陵水鹽飛海岸沙舟來戴
逵宅客過李王家此日長安酒旗高未易賒

感懷

天與疎慵地人無榮進心死灰差免溺棄杖即成林主
諾固多暇避賢懷所欽難邀潁川鳳敢望漢臺金倚酒
狂雖在荷蓑歲已侵恭聞容考績緣此未投簪

新筍成竹

雨町犀株突陽臯錦槩攢竅均軒世律皮解漢廷冠冉
冉生能直蕭蕭意自寒翠雲舒作葉碧血染為竿梢弱
烟方定筠浮粉未乾拋陰照流水迸節犯朱欄會待翔

鶴集非緣戲馬殘林間誰共賞坐想七賢歡

景文集卷二十

欽定四庫全書

景文集卷二十一

宋 宋祁 撰

五言長律

送馬軍范太尉

恪

平狄方開府，鏘羌舊著名。

君于陝西戰功最多

新提建章騎，入領

羽林兵。賜橐千金重，留車兩印榮。已封頭尚黑，休戰髀

還生大。旆前驅影鳴鏡，後隊聲較壇。勝算爵客飯，飫侯

鯖山背迷榆塞雲披認薊城介主朝漢幄鉤仗侍軒營
悵別疎華恨勤歸杖杜情君看畫像處麟閣近西清

喜連君錫過郡

稍稍客引去依依君見過胡為困重趼正欲問無他

者古

他為人患每相見問無他否

甌黍驚方熟屏談省舊訛感餘祇惆恍

衰罷有蹉跎直取憂襟解聊從醉弁俄緩行清白酒隨
意短長歌臯壤星霜宴纓璫塵垢多且應留從僕同賞

二山阿

送聞大夫遊西天

五竺能仁里重游路不迷
詔辭丹鳳北身到白龍西
野淨榴花早林暄貝葉齊
暮雲程次濶斜月笠前低
燕嶺長銜霧金河不貯泥
梵王分供食戎校接征輦
罕堵方增飾祇園得徧躋
無容帶歸錫秦蹕待新題

覽中丞尚書譙陳二郡新詩

自頃辭台路陪京擁使珂
遺音追正始新韻徧中和
贈答劉公數登臨叔子多
腸迴初有感耳熱遂成歌
驚夢

春塘草歡顏雪席醅拍殘吳子夜唱殺楚陽阿勝氣籠
雲沆清懷貯月波無妨燦顏謝莫獨與羊何譙里鳴騶
入陳郊露冕過二邦留雅咏棠樹共婆娑

感事寄子明中丞

久玷三雲從仍叨千石榮羸軀付多病怯計會無成出
守非嚴助何年召卻萌風摧向陽藿霜變度江橙晝閣
勤聽訟春疇力勸耕遂慙循吏術姑促縣官征害馬直
宜去勞魚實恐賴人心久忘戰朝議近論兵戍鎖關南

數邊烽隴右明將機猶嘆咄賊膽尚縱橫說士爭搢牘

閣下獻方略者蓋千計

謀臣屈請纓已聞疲轉粟安得但嬰城且

許和戎利重尋撓酒盟安危繫公等指授盡時英幸有千金募須容八陣精待衰曹劇鼓長揖亞夫營刷憤宜

修德時巡況作京

詔以大名府為北京

矢方射嶠冢力欲斬長鯨

憲祇言常屢王塗日以清悉心前席重直倭指人驚仗下霜餘凜班回佩倚鳴早調黃鉉鼎催獻惡梟羹顧我罹飛語于茲類倒行鬼神慙賈誼辱古避君卿直道今

寥落狂辭先猥并
樵如莫邪鈍張若小冠盲
秦俗矜車甲周詩賦
旆旌會當濡橐筆企詠二邊平

寄題外門亭園

外家真大隱亭園枕城闌
談樹能留客飛鷗不畏人
白雲仙嶺曙脩竹楔堂春
溪遠尋難盡林幽趣旋新
愛山仍作屐裁穀便為巾
僧赴禺中飯樵歸落照鄰
宅成翻忝相里舊沉依仁
千騎過從數連章刻翠珉

喜刀從事見過

窮閭久藏疾有客獨迴輪密契瞻松茂羈懷慰蓼辛猶
龍八才子君家昆仲皆當時之譽嗅雉一畸人藜藿仍開選想蘇
賴庶貧吾僚青眼舊今世白頭新尚倚王陽仕終彈屋
幘塵

楊都官知隨陽

君自蜀守為計
俸既而出郡

棧道迴忠馭牢盆幹計貲文書三署草兄弟五常眉遽
爾分符竹欣然捧詔芝疾驅關外傳奉引漢東旗夕月
同離恨春膏徧我私他年五君詠應記阮咸麾

和龐丞相

顧我支離甚惟公念不才朱顏為列郡白髮入中臺閣
道通天祿宮門拂斗魁論班元後鄭作賦或延枚病肘
垂楊老危心一櫓摧根愁江北變葉喜洛陽來自昔邊
州重當年蜀馭催燒烽看朔漠捫井歷崔嵬粗可繙前
史何能調禁財流光成浩蕩孤宦易嫌猜曲外悲絃刺
機頭謗錦開無功慙遠志有吏笑然灰左轄真虛忝仙
曹復濫陪門鴈愁眩轉軒鶴老毡慙傾否知攸往成章

惡所裁賈生空問卜楚客但勞媒特召依明主生還揖
上台緹油觀冊府巾履記翹材長跪懷人句徐傳道舊
杯今茲宣父治終得鑄顏回

送常熟尉錢訪

雋譽高鄉品仙姿並國游新恩紺綸綬遺社耐金侯賦
閣諸僇筆塵緇倦客棗平明催擢鷁幾信侯潮鱗下豉
尊紫箸持螯酒溢甌江南三月草為子刺離憂

寄王崇

居年三十餘棄
官隱居商山

築室占層峯高眠商嶺東鉢薰諸佛飯牕占上皇風餌
桂將成父奉芝固有童驚猿參唳鶴伸鳥雜經熊客有
希何點人多拜德公春雲不持寄誰欲問山中

詠史

古有容容福人譏齷齪員生能巧作奏死戒直如弦欲
重高門地非論媚竈天詩書大儒冢絲竹後堂旃東閣
翻芻馬西園竊富錢道謀誰執咎戶選不因賢朱鼓成
妖日羌鵠

原註音芬案宋
文鑑作誰非是

入賀年須防反室詔終取闔

門憐異日說成錦先時默似蟬空貽後人歎流涕掩青
編

贈通教大士善升

此心通妙法他劫侍尊顏水月何嘗動煙雲相與閒香
浮經葉暗霜點頰髭班施寶上人往銜花谷鳥還梵潮
鳴夜浦天柱落秋山句偈聊持贈非緣文字間

奉和長兄歲晏抒懷

天暮雪雲繁相將客免園老從星髮見歲伴日車翻別

葉晴猶舞征鴻暝更軒事君繞寸祿知我是空言競進
家半壁同聲伯有損重吟探懷句更代一孤溫

寄天休學士

時通宿
館中

春暝蓬山直知君思緒多玉蟾吟瀉滴朱幕臥生波談
塵飄無幾書刀削久鉤魚沈江上夢雞唱汝南歌落帶
燈煤暗雙盤露藥和烟浮溫室樹雲澹客星河竿首傳
清戲章溝疊迴鼉子雲惟寂寞尚自奈嘲何

夏日舊疾間發

老至非無素憂來詎一源河魚真得疾牀燈誤成喧
咀供晨乚蹢跚逼夕軒何宜忝蓬觀祇合令文園霜挫
顛毛禿雲添眼膜昏問天寧有禱依佛即忘言燕麥搖
風砌蠟苔壓雨垣冒榮難自効三宿戀君恩

蘭皋亭

張學士
充別墅

信美蘭皋地疏櫟構迴軒山林閒處樂溪瀨靜中喧
春桂開前塢秋菰接後園舟來無盡曲客到不空罇
夕月生帷鑒晴雲抱棟痕主人貪細續未暇答驚猿

送胡學士赴益州漕

帝念西南重頻年輟俊翹還臨二星野催駕一封輶地
出褒中險梯連劍外遙蹲鴟蔽川沃流馬餉軍饒檄去
方移蜀書成遂薦譙客橙薰露夕官錦濯霞朝卓市醪
華美渝僮舞勢趨省蘭聊罷幄亭柳重攀條煩使資游
及歸懷極本朝前知宣布曲即日徧歡謠

羸疾益間呈聶長孺學士

病緒蹇騷騷彌旬曠坐曹緣憂初得損非巧亦成勞計

月銷雙臂驚年變二毛隙塵間日滿鐺藥晷時熬顧此
逢熙盛紛吾異俊髦濫趨華雉省清飮翠螭毫數米仍
能飽搶榆不顧高聊尋秘方枕更繕養生刀夕穗含風
月秋禽企露臯比來差勝晤有意伴持螯

予昔游雲臺觀謁希夷先生陳搏祠堂緬想其人

今追作此詩

案此詩見華嶽志題作希夷峽

仙館三峰下年華百歲中夢休孤蝶往

世言先生善睡一寢輒逾月

脫在一蟬空

有塚在華山下

藥笈微言秘霄晨浩氣通丹遺舐

後鼎林遣御餘風市霧沈荒白殫霞委暗紅峨眉有歸
約飛步與誰同

先生化去前三日語弟子云吾將
游我眉弟子詞不辨候至期而終

還鄉

自昔去先閑乃今還故廬朶濡露外岳桂遺風餘稍
識烏衣巷相過栗里輿感存橫涕數道舊慙杯徐水涸
溪容耗林殘野氣疎鳥喧晴處陌烟宿暝時墟彭澤期
歸去臨邛喜第如擊鮮無久恩趨局畏官書

憶浣花泛舟

早夏清和在晴江沿汴時岸風搖鼓吹波日亂旌旗醉
帶牽綳蔓游鬟撲絳梨樹來驚浦近山失悟舟移雅俗
西南盛歸輶東北馳此歡那復得拋恨寄天涯

大像閣

追碧被層顛

追讀為追
琢之追

靈姿映大千天光白毫際山色

鈿螺邊海客供鬢貝江神捧坐蓮銜花馴鹿往投鉢毒
龍眠影壓中流浪香飄萬里船慈威濟終古何止一長

川

覽蜀宮故城作

國破江山老人亡岸谷摧駕飛今日瓦虎聚向時臺故
苑猶霏雪荒池但劫灰蘋蘩遺糊處壤闔記數殘枚恨月
窺林下悲風覓隴來依城狐獨速失厦燕裴回廢社纔
存柳陰垣自上苔有情惟杜宇長為故王哀

早夏出城書所見成篇

肅駕來墟落悠然矚霽氛飛花缺林影驚鷺破洲羣牧
徑尋還失蕘歌斷更聞平蕪與天遠孤日帶霞曛梁雉

今誰喚城狐古不熏楚人矜節物腰艾鬪蘭芬

詠石

勝具論終古尋幽屬政成待時藏磊落得地鬪崢嶸錦
駁苔文露虹浮玉氣明夢池分到影腮岫讓吟情乍恐
翻湘燕真疑刻漢鯨滴秋湖溜入觸曉寺雲生紫漢仙
機遠西陵客棹輕映花雕檻接礙竹翠鞭橫扣鼓非臨
岸傳書異穀城願將侯鵲瑞旦暮奉承平

春雪

遲旭收天寓層陰糝雪英傍階聊積玉妝樹旋消瓊越
驛兼梅墜章臺代絮紫風回飛自急池暖白猶輕曉露
承隅滴寒澌逼沼生持杯一相勞膏脉趁春耕

書局梅聖俞劉仲更二學士訃問繼至潛然有感
二子繼淪閼惜哉難具論塵毛如昨語墨藁未乾痕
霧迷歸樞恍風慘葬原風流盡逝水日月促陳根從古
死皆有由來命罕言病夫長慟罷翻幸歸然存

思歸

心悸真摧櫓年衰逼異糧西征何日賦東走向來狂遂
隔承明謁虛稱建禮郎去都魂黯黯思幄淚浪浪見萼
慙紆紆逢荷誤索囊醒無次公酒老畏侍中香前席初
延問煩言已中傷翕眉爭恃笑繞指詎容鋼事隱或投
杼根危因拔揚陰收主父草幾落黨人章霧露涯天惡
亭臯楚塞長平時猶有感爾日固迴腸溪漲淹蒲牒洲
風挫葑房荻區晴外遠山疊暝前蒼毒虺寒猶蠹飢豺
晝不藏若為貪坐閣自此戒垂堂淪骨深思在雕蟲緒

業荒身孤惟夕夢時到黼帷傍

硤石寺

衮衮上層巔飛空寶構聯山林楚遺塞樓閣佛諸天
午刹中峯影晨香衆壑烟齋淪一水注開闢二崖穿
旭日生岳罅歸雲宿櫟邊吾游常草草暫對社師蓮

哭中山公三十韻

案中山公
即陳元佐

天欲鳴文鐸公先露上珍談鋒貫千載文緯補三辰
海浪扶鵬徙雖朝遙驚振盪邪初奏雅闢路近還淳
汗竹

刊謫徧仙黎遞宿勤漢家方授記趙世本多神稍上窻

遼禪親逢堀吻巡每篇稱陸賈四頌識崔駰

東封西廕
公皆第頌

有聲接畫來詞禁軒霞切睿宸

祥符大記
公入西掖

金聲兼振玉絲

緒遂成綸預讀蘭圖字時參豹尾塵批成五色詔乞守

兩朱輪

自外制
守黎

虎幄思賢數鰲山召節新

自淮陽召
直入北門

請

間禪帝采有意靖宮鄰界虎潛興諧猶龍詎肯馴符魚

貪六六國獬避狝狝

罷內制
鎮泥上

東震重光啟南箕哆焰淪

觸邪觀豸久啟手避驄頻勇退寧無謂斜飛故有因

罷憲

司出鎮
頌上

終承紫芝召還返碧桃春

復入北
門承旨

丁直何嘗屈

蘭幽止自紉歌成接輿鳳書止太初麟

修國書
向成

竟遂東

平樂非憂宣子貧

復泥
上

蒙莊祥止止尼父誨循循久負

騎星望非圖撤瑟晨夜歌忽稀薤仙壽頓摧椿奠乏芻

如玉碑須臼受辛成蹊三榜士

始永定祥符暨今上
天聖凡三典貢部

墜

淚四州民

自黎至泥
凡四居

自此亡遺直誰將贖百身他年虎

賁飲無復老成人

三泉縣龍洞洞門深數十步呀然復明皆自然而

成

虬洞閼靈峯緣虛一綫通雲披雙壁敞樹補半巖空概
竹森烟蘂飛泉曳玉虹重蘿不肯晝陰壑自然風嶺斷
天斜碧崖傾日倒紅浮邱邀難遇留恨翠微中

次韻和李長學士正月二十八日出郊見寄之作

雅俗傳祠日

州人以二十八日祠保壽侯
及唐杜丞相悼于崇真堂

年華重宴辰

初陽澹江霧小雨破街塵

是日雨而不
渾游人皆集

客蓋浮輕吹齋

刀儼後陳林芳惟兔目原色換龍鱗壤路歌聲雜構倡

舞疊新持杯徧酬客惟欠眼中人

紀贈致政燕侍郎

中朝鵠髮俊得謝寵安車碧落超新秩承明別舊廬叔
時今老矣司寇此歸歟畫有封厨秘詩多乙牘餘雲情
元自遠舟意本常虛酌酒朋三壽揮金輩二疏深恩仍
給俸令子復將輿幾日西清對留光惇史書

答程職方冬至前一日江上觀魚

歲晏修漁事邀賓俯碧流鳴榔截橫浦叢柂聚寒洲解

艣爭離合鷓鴣巧泛浮

漁子又以鷓鴣捕魚探頭而取之

魴來比河上

編出似搓頭雪膾供庖俎梅齋促宴甌言詩知有意不

為百金求

扞懷呈同舍

本自草茆賤非貪箕斗名客心推似櫓官謗沸如羹
晝役迴腸數秋扶病體輕長年書轉忘多露涕先橫
已分嘲揚吃頻遭詈楚僇矜毗兩蝸角榮辱一樁杆
越蟹丹螯美吳尊紫綠紫他年五斗米猶足代寒耕

自詠

客舍張羅靜流年激箭過愁餘驚斛滿淚盡覺珠多
鵲悲秋極芎藭奈疾何振纓清濁水持酒短長歌
潘岳傷慘慄蘇生困揣摩經綸誰一問邁軸老中阿

蜀地海棠繁媚有思加臙幹豐條苒弱可愛北方
所未見諸公作詩流播西人余素好玩不能自默
然所道皆在前人陳迹中如國風申章亦無愧云
蜀道天餘煦珍葩地所宜濃芳不隱葉併艷欲然枝
襍

綵分羣萼均霞點萬裝迴文錦成後夾煎燎烘時蜂蕊
迎銜密鶯梢向坐危淺深雙絕態啼笑兩妍姿蜂節排
煙竦丹釭落帶垂童容郭畏薄便面到憂遲媚日能徐
照暄風肯遽吹蜀少疾風故花愈盛惜觀當晚晚留恨付離披麗
極都無比繁多僅自持損香饒麝柏照影欠瑤池畫要
精侔色歌須巧騁辭舉尊頻語客細摘玩芳期

七言長律

送趙御史仲禮之任南臺并柬兼善達公經歷元

載王公使用道具公二御史

天子龍沙拜法官議郎親戴辟邪冠曉辭漠北冰霜重
秋到江南草樹寒諫疏頻煩明主聽題詩長共故人看
應憐閭里誅求急尚布朝廷禮意寬幕下風清鳴一鶚
臺端雪霽見雙鸞寥寥渡海三冬翮翩翩凌空五色翰
晉代新亭蒼蘚合梁朝舊寺土花殘石城慷慨悲袁粲
別墅風流憶謝安千里憑高麾繡斧幾回攬轡竝銀鞍
諍臣事業須公等努力明時匪素餐

去年十月赴淮陽今實周一歲歲中三遷遂直內

禁作詩記其出處

案祁於慶歷二年移守陳州次年自杭州留為翰林

去年詔赴淮陽郡手合魚符擁使輶今歲思叨玉堂署
頭簪鳳筆從宸游孤蓬逐吹無時定倦鳥逢林只自休
暗隙遂容私照日奔湍信有不沈舟身歸詎敢夸三組
目眩何能讀九丘白髮紛垂文思輒此生榮遇若為酬

景文集卷二十一

欽定四庫全書

景文集卷二十二

宋 宋祁 撰

五言絕句

南郊祠所上章攝事二首

七里城南路齋祠宿下房
遠烟晨燎地斜日夕牲場
上辛茲攝事瑞祝本通天
自此春秋筆還書大有年

和人禁中作

釣曲來深殿宮花出御溝雲天正如畫壁月在西樓

太祖永昌陵

石馬開陵道陰虬結廟阿飛雲似不去疑誤大風歌

太宗永熙陵

白虎晨湍迴青龍夕霧和漢陵人易識流水記崚嶒
故老今多喪嚴祠日愈新青青陵上杏神護五株春

真宗永定陵

金石凝虛筍旌旗落暗塵唐堯遂不見空有進羹人

洛水縈祠外崧雲泊棟端橋山何必問只是葬衣冠

咏水紅

夏砌綠莖秀秋簷紅穗繁終然體不媚無乃對虞翻

和王君貺禁中寓直

長樂疎鐘斷昆池夕照收晚風生似雨仙霧爽如秋

禁中

听夕氣
甚寒爽

和延州經畧龐龍圖八詠

案八詠題迎薰亭供兵
砲延利渠柳湖飛蓋園

綠雲軒翠漪亭楔堂
今缺綠雲軒一首

迎薰亭

飛宇棘南徠以待風之薰因君奉揚力并慰塞下人

供兵礮

礮湍方電激麴屑已雲霏誠哉智者樂力少功不貲

延利渠

遵蒙本山下渠激流且迅無嫌萬折勞思迴九里潤

柳湖

波平柳萋萋湖與柳共色攀條弄潺湲坐送春暉晃

飛蓋園

千騎亟遊賞蓋紛相隨不知是日歡何如清夜時

翠漪亭

憑欄玩文漪日與賞心遇汀篠陵砌繁沙禽冒波翳

禊堂

悠悠水周堂堂上列禊賓賓勸使君酬無為負良辰

和延州三詠

濟勝橋

溪光倒射影射影跨溪垠非論權取意聊訂濟涉仁

八覽亭

亭軒入空碧極眺煩慮開漢樹有蔥蒨隴雲多徘徊

清潤堂

水容靜若鑑天影倒虛明勿使川風動波生便不平

漱玉齋前雜卉皆龍圖王至之所植各賦一章凡
得八物或賞或否亦應乎至之意歟遂寫寄至之

牡丹

壓枝高下錦攢蘂淺深霞疊綵晞陽媚鮮葩照露斜
澹紅石榴

移植自西南色淺無媚質不競灼灼花而效離離實
蜀葵

紅白相嗣繁色純香亦淺相對庭戶間俗尚焉能免
萱草

修莖無附葉繁萼攢庭首每欲問詩人定得忘憂否

芍藥

有名見鄭風今賞異疇日采花當采根可能治民疾

竹

脩脩稍出類辭卑不肯叢有節天容直無心道與空

菊

纖莖寒始密秀葉晚逾滋芳意君須識羣葩搖落時

芭蕉

不枝惟葉茂無幹信中空所以免摧折為依君子風

春望雜詠

紫原題凡三首歸鴈一達樹
一輕烟一今缺輕烟一首

歸鴈

刷羽梁王池春至欲言歸牽我東南恨隨君西北飛

遠樹

如帷復如蔞歷歷映滄洲故障千里目剝作一重愁

次韻罷相遊故園

戟檠嚴門第鏤金倦帶圍如公三事老從古幾人歸

脩竹

北戶靜無塵蕭蕭玩翠筠此時刀筆手慙愧殺青人

濠上

莊生坐濠上下玩戲魚躍魚固不知人人奚謂魚樂

聞蛙二首

蛙聲直可厭聒耳橫相干怒氣何關勇私鳴不為官
膨脝枵怒腹日夕沸溪干羣響何容罷時無壯鞠官

古來吟

古來韋與杜閼閼冠當年今日城南問惟餘尺五天

竹

新筍漸盈尺新梢已鋪瓦燕雀忽相驚深沈似隆夏

九日

長愛鴨陂頭平波澹不流相君時獨汎準擬五湖舟

古意

肆威矜逐逐索黨恣狴狴盜跖真知道餘財欲汙人
青松獨受命停雲待陽春一遇樵人斧同成樸散薪
虎嘯雲巖下風生林嶺隅須防威可假慎勿逐城狐
持鷸蚌謀壯貪蟬鵲意深漁人一拱手彈者笑依林

西齋新植萱草甚多作問答絕句二首

問

賦薦金英撲纖蓮玉段抽萱如解榮悴爭合自忘憂

答

我有忘憂號君為憂世人欲憂憂底事胡不暫怡神

僧房白蓮

水風披玉薦溪露泣瑤津花意如師意宗雷社裏人

重懷和靖林逋

高士非求死天教隕少微雲疑隱居在猶傍嶺頭歸

秋夕不寤

倦枕回尤數東方不肯明只將無睡耳終夜著蛩聲

閏九月晦日登舟二首

淮平舟未進遠緒悵依依勿謂王孫怨先如春草歸
二山皆在眼未忍去淮津三宿寧無戀况非桑下人

次韻和奉寧太尉相公見寄二首

賡弼昔營野代工天眷深此時蕭散樂卻似住巖陰

儒蘊披幽笈仙圖啟祕關
嵩雲為雨罷來伴相君閒

挑燈杖

處膏非自潤在寸敢矜長
試用節家暗迴為隣壁光

書齋前栢八株森植翠茂

總總長柯上離離翠實疎
休誇冒霜雪僅得守門閭

古語

松栢為百木
長而守門閭

一百五日作

雨罷飛花徧緘愁對晚杯
客心將煬竈同是一寒灰

客舍已蕭寂況逢龍忌辰何煩申火禁自有不黔人

行客

游子何方客征裾滿素塵疲驂不進道還犬復迎人

小渚

輕烟變渚色寒浪嚙隄痕鳥去枝猶動沙顏水暫渾

十二月十八日會飲園夫獻桃花二首

今歲臘未破明年春尚賒天教催朔氣先作塞南花
晚秀尚可惜早開真謂奇君看早開處定是向南枝

叢菊

烟開容蘂霜重放叢斜
揅著星星畔潛郎稱晚花

反舌

默默過桃園穿條疊葉翻
夫君猶舌在時宴便無言

除夕

歷尾無餘日更籌促曙躔
持愁賸殘歲將老入新年

野渡

行路到溪窮寒流自浼浼
客立平沙上篙人艤船待

木芙蓉盛開四解

木末芙蓉語當時不謂真
今來木末見愁殺搢騷人

楚辭

夢芙蓉兮木末蓋
指芙蓉假為喻耳

麴塵輕抱葉宮纈巧妝叢青女由來妬憑君淺作紅

浩露津絀蘄尖風獵絳英繁霜不可拒慎勿愛空名

雖俗

名拒霜花其實
逢霜即悴矣

千繞青叢外攜觴只自留
晚花兼素髮同是一悲秋

木芙蓉

芙蓉本作樹花葉兩相宜慎勿迷蓮子分明立券辭

時商

童謡云千金買藥園中有

芙蓉樹正指此木芙蓉耳

一作淮南守再逢霜艷新花前今日酒卻是去年人

去予

秋已有木芙蓉
四曲故有是句

夜分

此夕炎氛罷浩然天意秋桂華兼月上槎影帶星流

觀書

隱几窮千古披經究萬殊扶疎曾答客涉獵恥成儒

讀史

順訣要領絕書罷付函封隸子方求益君非賣菜傭
漢囊一需頭竝薦五處士由來角立名獨歸徐孺子

即事

我來春已晏道樾半清陰崖暗石蹲虎林明花散金

湖上二首

秋來自然碧秋花何意紅乾坤搖落恨只是為西風
樓迴銜空霧邨長占暝霏戲魚晴自擲寒鴨夜還飛

客舟

上溪不弛帆下溪不打槳上下各有趣相遇風波上

柳

濯濯紫春晚依依帶暝饒楚宮皆餓死無計學纖腰

海棠

薄暝霞洪爛平明露濕鮮長衾繡作地帳密錦為天

詠茶磨

來自蠶叢國香傳弱水神析醒疑破鼻併艷欲留春

詠棠棣

潘賦幽芳在周詩榮鄂傳佛輪千幅細公帶萬釘圓



景文集卷二十二